

ԼՈՒՍԻՆԸ ՀԱՅ ԺՈՂՈՎՐԴԱԿԱՆ ՀԱՎԱՏԱԼԻՔՆԵՐՈՒՄ
ԵՎ ՍՈՎՈՐՈՒՅԹՆԵՐՈՒՄ

(XIX դ. վերջ—XX դ. սկիզբ)

ՆՎԱՐԴ ԵՐԵՋԱԿՅԱՆ

Հայ գյուղացին XIX դ. սկզբներին դեռևս շարունակում էր օրերի հաշիվը՝ պահել ըստ լուսնի փուլերի, թեև գոյություն ունեին կանոնիկ օրացույցներ¹։ Ամսվա հաշիվը սկսվում էր լուսնի փոքր փուլից, որը կոչվում էր նոհ²։ Փոքր փուլի վերջը կոչվում էր ճնթոփե³, իսկ լուսնային շրջանի երկրորդ կեսը՝ փուլ⁴։ Լուսնի փուլերի որոշման ժողովրդական եղանակներից ուշագրավ էր հետևյալը. մարդիկ մի աչքը փակում էին և ցուցամատով սեղմելով մյուսի կողմը, նայում լուսնին։ Նշմարվող ճյուղավորումների քանակը համապատասխանում էր տվյալ լուսնային շրջանի օրերի թվին⁵։

Առօրյա տնտեսական գործեր վարելիս գյուղացիները, հաճախ, կողմնորոշվում էին լուսնի փուլերով և ոչ թե ամսաթվերով։ Ի տարբերություն վերջինների, որ անհրաժեշտ էին միայն օրացույցային տոների ճիշտ ժամկետն իմանալու համար (զատիկ, պաս, բարեկենդան և այլն) և հիմնականում իմանում էին քահանաներից, լուսնի փուլերն ու օրերը գիտեր յուրաքանչյուրը։ Ըստ հայկական ժողովրդական պատկերացումների, լուսնային օրերից էր կախված որևէ գործի (օրինակ՝ ցանք, մրգատու ծառերի տունկ, հարսանիք, ճանապարհորդություն) հաջող կամ անհաջող ընթացքն ու ելքը։ Երազները

1 Սա խոսում է հայերի մեջ լուսնային օրացույցի գոյության վարկածի օգտին։ Հետաքրքիր է նշել, որ հայերեն կաղանդ (հմմտ. լատ. *calendae*՝ նորալուսնի օրեր, տե՛ս Э. Бижерман, Хронология Древнего Мира, М., 1975, էջ 36) նշանակում է ամսվա առաջին օրը ըստ լուսնային օրացույցի (Անանիա Շիրակացի, Տիեզերագիտություն և տոմար, Երևան, 1940, էջ 69)։

2 Ա. Հարությունյան, Տարոնի ազգագրությունը, էջ 437 («Հնագիտության և ազգագրության ինստիտուտի ազգագրության բաժնի արխիվ», այսուհետև՝ ԱՔԱ)։ Ուշագրավ է, որ ռուսերեն НОСЫ-ը նախապես նշանակել է նախալուսին կամ նախ պտուղներ. հետագայում ստացել է նոհ-ի (новы́й) իմաստը (А. Е. Супрун, Системность лексики и этимологии. «Этимология-1967», М., 1969, էջ 91), որպես և կատարվել է հայերեն նոհ-ի հետ։ Վերջինիս մասին մանրամասն տե՛ս Ա. Ա. Օգարաշյան, Նավասարդյան տոնախմբությունների վերապրուկները («Պատմա-բանասիրական հանդես», 1974, № 4, էջ 114)։

3 Ա. Հարությունյան, նշվ. աշխ., էջ 437, Հ. Աճառյան, Գավառական բառարան (ԵՃՄԻՅԱՆ ԱԶԳԱԳՐԱԿԱՆ ԺՈՂՈՎԱԾՈՒՄ (այսուհետև՝ ԷԱԺ), հ. IX, Թիֆլիս, 1913, էջ 668)։

4 Ա. Հարությունյան, նշվ. աշխ., էջ 437։

5 Ա. Հարությունյան, նշվ. աշխ., էջ 436։ Հետաքրքիր է նշել, որ Շատախում գրանցվել է, այսպես ասած՝ լուսնի օրերի հաշվարկման դիտական բացատրությունը, այն է՝ տարվա վերագրի, տարեթվի և ամսաթվի գումարումով (Ի. Գարունյան, Շատախի ազգագրությունը, ԱՔԱ, էջ 249)։

նույնպէս չլաւ» կամ «վատ» էին համարվում ըստ լուսնային օրերի⁶։ Լուսնի այս կամ այն վիճակը կամ դիրքը եղանակը կանխագուշակելու ազգակ էր։ Լուսնի սկավառակի շուրջը հայտնվող շրջագծերը համարվում էին եղանակը վատանալու նշաններ⁷։ Զանգեզուրում եղանակը կանխագուշակում էին լուսնի մահիկի դիրքով։ Դեպի ներքե թեքված լուսնի եղջուրները երաշտի նշան էին, իսկ սուր ծայրերով վերե ուղղված լուսնի մահիկը՝ առատ անձրեւների⁸։ Սա- չայն հայկական ժողովրդական հավատալիքներում գուշակութայն ինստի- տուտը կապվում էր լուսնի ոչ միայն «Ֆիզիկական» դիրքի հետ։ Մասնավորա- պէս ուշադրութայն արժանի է Հարքում գրանցված հետեւյալ տեղեկութիւնը։ Գուշակելու ձիրք կարող էր ձեռք բերել այն մարդը, որն ամբողջ գիշեր նստում էր սեպտեմբերյան լուսնի ներքո, և որը կոչվում էր «Հովալուսին» (ավագ լուսին)⁹։ Հավատում էին, որ եթէ կարմիր շորեր հագած նստեն վառ- վող մոմի վրա շրջված պղնձին (կաթսա) և հայելու մեջ ակնդետ նայեն լուս- նին, ականատես կլինեն մղձավանջային տեսարանների, իսկ լույսը բացվե- լուն պէս կիմաստնանան և կդառնան գուշակ։ Ինչպէս տեսնում ենք, ժո- ղովրդական ընկալմամբ, գուշակութայն ձիրքը կապվելով լուսնի զգորու- թյան» հետ՝ պայմանավորված էր նաև արհեստականորեն առաջացող վիճա- կով (տվյալ դեպքում՝ տեսողական խաբկանքներով)¹⁰։

Համշենցիների մեջ առանձնակի հետաքրքրութիւն է ներկայացնում լուս- նային ամսվա շրջանի ժողովրդական բաժանումը «բարեհաջող» և «անբարե- հաջող» օրերի։ «Անբարեհաջող» էին համարվում լուսնային ամսվա 9-ը, 19-ը և 29-ը։ Այդ օրերին տաբու էր դրված հայ գյուղացու թե՛ տնտեսական, թե՛ սոցիալական կյանքի մի շարք գործողութիւնների վրա (արգելվում էր ցանք կամ հարսանիք անելը), ինչպէս նաև հիվանդներից արյուն չէին բաց թող- նում, քանի որ ըստ գոյութիւն ունեցող ավանդույթի, նրանք կարող էին խելքները կորցնել։ «Անբարենպաստ» էին համարվում նաև նորալուսինն հա- ջորդող առաջին չորեքշաբթին և ուրբաթը։ Սրան հակառակ «բարեհաջող» էին նորալուսինն հաջորդող երկրորդ չորեքշաբթին և ուրբաթը, ինչպէս նաև ամսի 1-ը, 11-ը և 21-ը։ Այդ օրերին ցանկալի էր ցանք անել կամ զբաղվել մրգա- տու ծառերի տնկմամբ, քանի որ մեկ տարուց հետո արդեն կարող էին բերք հավաքել¹¹։

Չնայած վերը ներկայացված լուսնային ցիկլի հակասական ժամանակա- յին օրինաչափութիւններին, յստ էութեան, նորալուսինը հայկական ժո- ղովրդական հավատալիքներում ավելի բարենպաստ ժամանակաշրջան էր

6 Հ. Մուրադյան, Համշենցի հայեր («Ազգագրական հանդես» (այսուհետեւ՝ ԱՀ), Զ, Թիֆլիս, 1900, էջ 112)։

7 Գ. Գեորգյան, Աշտարակի ազգագրութիւնը, ԱՌԱ, էջ 74։

8 Հեղինակի գրանցած 1977 թ. դաշտային նյութերից, ԱՌԱ, տետր № 1 (Սիսիանի շրջան, Լոր դուղ)։

9 Բենսե, Բուանըխ կամ Հարք գավառ (ԱՀ, Զ, Թիֆլիս, 1900, էջ 32—33)։ Ըստ Հ. Աճառյանի, օգոստոս ամսվա լուսինը կոչվում էր ճովան (էԱԺ, էջ 661)։ Վերապրուկային ձեռք մեզ հասած այս տեղեկութիւնները, անշուշտ, կապված են եղել տոմարական տիեզերա- գիտական նախնական գիտելիքների հետ, որոնց քննութիւնը դուրս է մեր խնդիրներից։

10 Գուշակութայն ձիրքը շատ մշակութիւններում է առնչվում արհեստականորեն առաջացող ոչ բնական վիճակի հետ, օրինակ՝ շամանների արհեստականորեն առաջացող հալուցիկա- ցիաները (В. В. Иванов, Очерки по истории семиотики в СССР, М., 1976, էջ 24—25)։

11 Հ. Մուրադյան, նշվ. աշխ., էջ 111։

համարվում, քան լիալուսինը¹²։ Նորալուսնի՝ իբրև «բարենպաստ» ժամանակաշրջանի, ժողովրդական ընկալմամբ էլ բացատրվում է մի շարք հմայական գործողությունների համալիրը, որ նպատակամղված էր հարստության կուտակմանը, անձնական գործերում հաջողակ լինելուն, առողջության ամրապնդմանը և այլն։ Հավատում էին, որ նորալուսնի ժամանակ տեսած առաջին առարկան իրենց կհանդիպի ամբողջ ամսվա ընթացքում։ Այս համոզմամբ էլ լուսինը նորելիս նայում էին գրամի կամ համբուրում էին այն ու դնում ճակատին¹³։ Ըստ ժողովրդական պատկերացումների «հաջողակ» համարվող մարդուն այդ օրերին հանդիպելը հաջողություն էր խոստանում ամբողջ ամսվա համար¹⁴։

Վերը ներկայացված ազգագրական տեղեկությունների վերլուծությունը ցույց է տալիս, որ եթե մի դեպքում հմայական գործողությունը իրագործվում էր ամբողջական շփման միջոցով, մյուս դեպքում՝ բավարար էր համարվում միայն հայացքը տվյալ առարկային ուղղելը։ Այսպիսով, նայելով «աճող» լուսնին, ապա որևէ առարկայի՝ կարծում էին հայացքով տվյալ առարկային կփոխանցեն լուսնի «հատկանիշները»¹⁵։ Ազգագրական աղբյուրներից հայտնի են նաև հետևյալ հմայական գործողությունները։ Նորալուսնի ժամանակ երկաթի կտոր էին դնում անտամների տակ, որպեսզի վերջիններս ամրանան, կամ էլ կտրում էին մազերի ծայրից, հուսալով, որ դրանք կաճեն նորած լուսնի նման¹⁶։

Վերը ասվածից կարելի է հետևել, որ հայերի ժողովրդական հավատալիքներում «երիտասարդ», «աճող» լուսնին վերագրվում էին մարդկանց կամ առարկաներին որոշակի հատկանիշներ հաղորդելու հմայական ունակություններ։ Նորալուսնի «բարենպաստ» ժամանակաշրջան լինելու առումով ուշագրավ է մեր օրերում տակավին առկա այն պատկերացման վերապրուկը, որ իբր նորած լուսնի օրերին ծնված երեխան լինում է փաշ, ճարպիկ և երկարակյաց, իսկ տասնհինգօրյա լուսնի ժամանակ ծնվածը՝ թույլ և հիվանդոտ¹⁷։

Գոյություն ունի նորալուսնի հետ առնչվող ժողովրդական հավատալիքների և սովորույթների համալիր մեկ այլ խումբ, որը գործառնական առումով հակադիր է վերը ներկայացվածին, սակայն ըստ էության դրա զուգահեռն է։

¹² Նույն տեղում։ Լիալուսնի «անբարենպաստ» լինելու ժողովրդական ընկալումը բնորոշ էր նաև առաջավորասիական մշակույթներին։ Իբրև ապացույց կարող է ծառայել հրեական շաբաթը (հայտնի է, որ հրեաների մեջ այդ օրը արգելվում էր որևէ գործ սկսել), որն իր ստուգաբանությամբ հանդում է աքադական šabbattum կամ šarpatum-ին, որ նշանակում է «լիալուսին» կամ լուսնի փուլ (И. М. Дьяконов, Подразделение месяца в Передней Азии; в кн.: Э. Бнкерман, Хронология Древнего мира, М., 1975, էջ 305)։ Մեր գրանցած դաշտային նյութերը վկայում են, որ շաբաթ օրը հայերի մեջ նույնպես բարենպաստ չէր որևէ գործ սկսելու համար։ Մյուս կողմից հետաքրքիր է, որ այլ մշակույթներում (օրինակ՝ մայաների) լիալուսինը համարվում էր բարենպաստ ժամանակաշրջան (Ю. Кнорозов, Иерографические рукописи у майя, М., 1975, էջ 243)։

¹³ Ե. Լալայան, Նոր-Քաղաղետ (ԱՀ, XVII, Քիֆլիս, 1908, էջ 94)։

¹⁴ Ե. Լալայան, Վարանդա (ԱՀ, Բ, Քիֆլիս, 1897, էջ 216—221)։

¹⁵ Հայերի ժողովրդական հավատալիքներում աչքի հմայելու ունակության հավատը հայտնի է ազգագրական գրականությունից (А. А. Одабабян, Народные верования армян по письменным талисманам, «Кавказский этнографический сборник», М., 1976, вып. VI)։

¹⁶ Ե. Լալայան, Նոր-Նախիջևան (ԱՀ, IX, Քիֆլիս, 1902, էջ 47—48)։

¹⁷ Գ. Ստեփանյան, Աեանի ազգագրությունը (ԱՔԱ, էջ 32)։

Ըստ հայկական ժողովրդական հավատալիքների, լուսինը օժտված էր նաև վնաս հասցնելու կարողությամբ: Սա հատկապես կապվում էր երեխաների առողջության հետ: Երեխաների հիվանդանալը հաճախ բացատրվում էր նո-
-ածնին լուսնին ցույց տալու ծեսի անտեսմամբ, որի հետևանքով լուսինը, ըստ ժողովրդական ընկալման, «բարկանում էր», «խփում էր», այսինքն՝ «անիծում էր»: Լուսնի կողմից ուղարկված հիվանդությունը կոչվում էր նո-
-րեֆ կամ նորեֆ¹⁸:

Հայտնի է մասնավորապես, հետևյալ սովորույթը. Ջավախքում լուսնի «գալույթից» երեխային փրկելու նպատակով նրան գրկում էին և մատնա-
-ցույց անելով լուսինը, ասում. «բեռիդ, բեռիդ»¹⁹, Իսկ Բուլանըխում քառա-
-սունքից հետո նորածնին դուրս էին բերում նորալուսնի ժամանակ և շուտու-
-մուտ տալով գլուխն անվանում էին հետույք և հակառակը²⁰, Լուսնին խաբե-
-լու այս խոսքային շփոթությունը հիշեցնում է կյանքը պահպանելու նպա-
-տակով երեխային օտար անվամբ կոչելու սովորույթը (հաճախ ընդունված էր երեխային կոչել մահմեդականի անունով): Վերը ասվածի առումով ուշա-
-քրավ է հետևյալ սովորույթը: Սիսիանի շրջանի Լոր գյուղում նորածնի լվացքը հավաքում էին մինչև լուսնի հայտնվելը, որպեսզի երեխաներին զերծ պահեն հիվանդությունից²¹:

Ըստ ժողովրդական պատկերացումների, եթե լուսինն արդեն «վնասել էր» երեխային, ապա նրան շար ուժերից աղատելու, «բուժելու» համար կանգնեցնում էին տան սյան մոտ և մեջքի մակարդակի բարձրությամբ երեք մեխ խփում սյանը: Նույն նպատակով՝ Ջավախքում, նորալուսնի ժամանակ, չորեքշաբթի կամ ուրբաթ օրը հայրը և մայրը գրկելով երեխային, բարձրա-
-նում էին տան կտուրը: Հայրը երեխային դնում էր թիու վրա և տալով մորը, ասում. «Փուկդ է նե՛քեղի, իմս է նե՛ք լից տու»: Մայրը սկզբում գրկում էր երեխային, հետո դնում թիու վրա և նույն ձևով վերադարձնում հորը²²:

Լուսնային հիվանդությունից բուժելու առավել տարածված միջոցներ էին համարվում հատուկ պահպանակները, որոնք պատրաստվում էին պղնձե կամ արծաթե դրամներից՝ լուսնի մահիկի ձևով: Լուսնային պահպանակները, որոնք կոչվում էին «նոր»²³, լինելով հայերի մինչքրիստոնեական հավատա-
-լիքների արտահայտությունը, քրիստոնեության օրոք ոչ միայն կենցաղում կենսունակ էին, այլև պատրաստվում էին գյուղական քահանաների կողմից²⁴: Ազգագրական աղբյուրները վկայում են, որ որոշ շրջաններում պահպանակ-
-ներ պատրաստելու պարտականությունը դրվում էր որևէ սուրբ համարվող ընտանիքի վրա, առանց քահանայի միջամտության²⁵: Դաշտային նյութերից

18 Բ ե ն ս ե, Բուլանըխ կամ Հարթ դավառ (ԱՀ, Ե, Թիֆլիս, 1899, № 1, էջ 129): Պա-
-տահական չէ, որ «լուսնային հիվանդություն» անունը ածանցված է լուսնի փոքր փուլի ան-
-ջանմանը: Նշենք, որ ըստ ժողովրդական ընկալման, հիվանդությունը այնքանով կարող էր համարվել լուսնային, որքանով պահպանված էր լուսնի հետ կապված սովորութեան ծիսա-
-կարգը:

19 Ե. Լ ա լ ա յ ա ն, Ջավախք (ԱՀ, Ա, Շուշի, 1895, էջ 274):

20 Բ ե ն ս ե, Նշվ. աշխ., էջ 129:

21 Հեղինակի 1977 թ. դաշտային նյութերից (ԱԲԱ, տետր № 2):

22 Ե. Լ ա լ ա յ ա ն, Ջավախք, էջ 274:

23 «Նոր»-ը այստեղ հանդես է գալիս իբրև նորալուսինը խորհրդանշող իկոնիկ նշան:

24 Բ ե ն ս ե, Նշվ. աշխ., էջ 129—130:

25 Ե. Լ ա լ ա յ ա ն, Սիսիան (ԱՀ, Գ, Թիֆլիս, 1898, № 1, էջ 231—232):

հայտնի է, որ լուսնային պահպանակներ պատրաստում էին նաև դարբինները, իսկ հետագայում այդ սովորույթը ավելի է պարզեցվում. պահպանակ կարող էր պատրաստել յուրաքանչյուր մարդ, եթե անհրաժեշտ էր համարում²⁶։ Որոշ դեպքերում երեխաներին «բուժում էին» նրանց դեմքին պղնձի տակի մրով խաչ նկարելով²⁷։ Այսպիսով, ժողովրդական պատկերացմամբ, լուսինն օժտված էր խորհրդավոր ուժով և ունակ էր հիվանդություններ բուժելու։ Այս առումով ուշագրավ են XIX—XX դդ. գրանցված հմայական գործողությունները, որոնք ուղեկցվում էին կախարդանքի խոսքերով։ Օրինակ՝ պորտնուկ բուժելու նպատակով մարդիկ ձեռքին բռնում էին աղ և շշնջում կախարդանքի խոսքեր կամ էլ՝ դրի առնելով դրանք ձվի կեղևի վրա, թաղում էին հինգ կամ յոթ ճանապարհների խաչմերուկում, ասելով.

Լիսին նոր,
Գորտնուկ չոր,
Օրթում ուտեմ,
Թոք չուտեմ։

Այ աղ, դու այստեղ հավի,
Այ գորտնուկ, դու ըտտի չորացի²⁸։

Տվյալ դեպքում հմայության ազդեցությունն իրագործվում էր կախարդական խոսքի և գործունեության միջոցով, որոնք միասնական ծեսի փոխկապակցված տարրերն են։

Լուսնի երբեմնի պաշտամունքի հետ առնչվող ժողովրդական հավատալիքների և պատկերացումների համալիրից առավել լիակատար են լուսնի խավարմանը վերաբերող ազգագրական տեղեկությունները։ Հայերի պատկերացումներում լուսնի խավարումը ընկալվում էր իբրև խոշոր աղետ, պատերազմի նախանշան, թագավորի մահ և այլն, որը, հավանաբար, գալիս էր հնագույն ժամանակներից, երբ լուսնի խավարումը թագավորի, առաջնորդի բռնի մահվան ազդակ-խորհրդանիշ էր²⁹։

Ազգագրական աղբյուրները վկայում են լուսնի խավարումը բացատրող մի շարք տարբերակների մասին։ Ըստ ամենատարածված ավանդության, սառնանները շրջապատում են լուսատուն, փորձում են խեղդել նրան՝ հավատացնելով, որ իրենք են տիրում տիեզերքին³⁰։ Մեկ այլ ավանդության մեջ խավարումը բացատրվում է վիշապի հայտնվելով, որը փորձում է բռնել և կուլ տալ լուսատուին։ Որոշ դեպքերում վիշապի փոխարեն հիշատակվում է հսկայական թռչունը, որը ծածկում է լուսատուին³¹։

²⁶ Հեղինակի դաշտային նյութերից (Սիսիան, Լոր, 1977)։

²⁷ Բ Ե Ն Ս Ե, նշվ. աշխ., էջ 129—130։

²⁸ Ե. Հ ա լ ա յ ա ն, Գանձակի դավառ (ԱԶ, 2, էջ 343)։

²⁹ Յ. Цереп, Лунный бог, М., 1976, էջ 100։ Վերև ասվածի առումով հետաքրքիր է, որ ըստ ժողովրդական պատկերացումների կային մարդիկ, ովքեր կարող էին գուլակել, թե լուսնի խավարումը «բարի է», թե հակառակը։ Հեղինակի դաշտային նյութերից։

³⁰ Е. Мелик-Шахназаров, Из поверий, предрассудков и народных примет армян зангезурского уезда («Сборник материалов для описания местностей и племен Кавказа» (այսուհետև՝ СМОМПК), вып. XVII, Тифлис, 1893, отд. II, էջ 194)։

³¹ Հ. Մ ու Ր ա դ յ ա ն, նշվ. աշխ., էջ 129—130։

լուսնի խավարումը (նաև՝ արևինը) պատկանելով գերբնական երևույթների շարքին, ինչպիսիք են ջրհեղեղը, երկարատև երաշտը, հատուկ երանգ է ունեցել ժողովրդի գիտակցության մեջ: Ըստ որոշ ավանդույթների, լուսատուին փորձում են կուլ տալ վիշապը կամ հսկայական հավքը: Այս առասպելական կենդանիները, ինչպես հայտնի է, մարմնավորում են քառսուր Այստեղից էլ լուսնի խավարման առասպելը կարելի է ընկալել իբրև քառսուր կողմից տիեզերքի կլանման վաղեմի նկարագրության արտահայտություն³²:

Լուսնի խավարումը բացատրող ավանդությունների մեջ հանդիպում ենք նաև նրա մարդեղայնացման հետ առնչվող նյութերի: Ըստ ավանդության, արևը աղջիկ էր, իսկ լուսինը՝ տղամարդ, տեսնելով արևի գեղեցկությունը, լուսինը խելքը կորցնում է և տեղի է ունենում նրա խավարումը³³:

Վերը նկարագրված լուսնի խավարումը բացատրող ավանդությունների համադրումը ցույց է տալիս, որ հայերը XIX դ. վերջում և XX դ. սկզբում լուսնի վերաբերյալ մի միասնական առասպել չունեին: Սա, ըստ երևույթին, պայմանավորված էր նրանով, որ այդ ավանդություններից յուրաքանչյուրը մի կողմից արտացոլում էր որոշակի պատմական ժամանակաշրջանի և որոշ առումով՝ հայկական էթնոսի առանձին տեղային խմբերի հավատալիքները, մյուս կողմից՝ սկզբնական հնագույն տարբերակի կորստով:

Լուսնի խավարման ժամանակ տեղի ունեցող ծիսական գործողությունները կարծես լուսատուին «հովանավորող» բնույթ էին կրում: Մարդիկ ապա- չու միջով նայում էին և իբր տեսնում սատանայի ոտքերը, ձեռքերը: Հավատում էին, որ լուսատուն «տանջվում է» և պետք է «փրկել խեղճին»³⁴: Սա արվում էր աղմուկ բարձրացնելով, որը օրինաչափ էր բոլոր ժամանակների և ազգագրական շրջանների համար: Աղմկում էին ամենատարբեր ձևերով՝ քարեր, պղնձե ամաններ էին խփում իրար, հրացան արձակում, եկեղեցու զանգերը հնչեցնում³⁵: Պատահական չէր, որ հաճախ աղմուկ էին բարձրացնում մետաղե առարկաներով (մետաղի սրբագործող դերը ընդունված էր հայերի մեջ):

Լուսնի «պաշտպանության» ծիսակատարությունը ցույց է տալիս, որ ժողովուրդը հավատում էր ծիսահմայական գործողությունների միջոցով լուսինը շար ուժերից փրկելուն, այսինքն՝ հավատում էր հմայության ազդեցությանը: Մյուս կողմից՝ հետաքրքիր է, որ բոլոր գործողությունները կատարվում էին շուտափույթ, ասես, սովորույթի ուժով, որ կարծես վկայում է այն մասին, թե շատ մասնակիցների համար այն ձևական բնույթ էր կրում, քանի որ հայտնի էր խավարման ելքը: Այս առումով քննելով լուսնի խավարման ժողովրդական բացատրությունները, տեսնում ենք, որ դրանք ձևավորվել են երևույթի շրջելիությանը տեղյակ մարդու տեսակետից:

Հետագայում քրիստոնեական եկեղեցին ջանացել է արմատախիլ անել խավարման հետ կապվող ծիսակարգը: Այսուհանդերձ, ազգագրական նյութերը վկայում են, որ վերը նշված գործողությունները հարատևել են նաև քրիստոնեության օրոք (որոշ առումով փոխակերպվելով, ինչպիսին լուսնի

³² Е. Мелетинский, Поэтика мифа, М., 1976, էջ 206.

³³ Զ. Մարտիրոսյան, նշվ. աշխ., էջ 113.

³⁴ Г. Осипов, Селение Даш-Алты Шушинского уезда Елисаветпольской губернии (СМОМПК, вып. XXV, отд. II, Тифлис, 1898, էջ 134).

³⁵ Նույն տեղում:

խավարումն է, որ կապվում էր մարդկության մեղավորության քրիստոնեական գաղափարի հետ)։ Այս պատճառով էլ խավարման ժամանակ մարդիկ հավատքի էին կոչվում, խոստովանում էին իրենց մեղքերը, ծնկաշոք աղոթում³⁶։

Հայկական ժողովրդական հավատալիքներում լուսնի պաշտամունքի՝ վերապրունները քննելիս անհնար է անտեսել այն ավանդությունները, որոնցում լուսնին բնորոշ են մարդկային գծեր։ Բնության անձնավորումը կրոնական մտածողության որոշակի փուլերից է։ Բոլոր հայտնի մշակույթներում լուսինը (նաև արևը) անձնավորվում էր և տարբերակվում ըստ սեռի։ Ժողովրդական պատկերացմամբ, լուսինը հաճախ համարվել է տղամարդ, արևի եղբայրը, ևրբեմն և «հովանավորը»։ Ըստ ավանդության, արևը մի անգամ հրաժարվել է ցերեկը դուրս գալուց, պատճառաբանելով, որ ամաչում է մարդկանցից։ Լուսինը (եղբայրը) նրան ավել է յոթ կապ ասեղ և պատվիրել ծակել իրեն նայողների աչքերը³⁷։ Լուսնի և արևի անձնավորումը տեղի է տվել մի շարք ավանդությունների, որտեղ նրանց հարաբերություններին բնորոշ են մարդկային հատկանիշներ։ Այսպես՝ մի անգամ մայրը դիմում է արևին և լուսնին, որպեսզի ջուր բերեն իր համար։ Առաջինը վերադարձողին նա խոստանում է օրհնել։ Եղբայրը (լուսինը) առաջինն է հասնում աղբյուրին և կուժը դնում ջրի տակ։ Բայց արևը (քույրը), ցանկանալով ինքը ստանալ մոր օրհնությունը, ծածուկ ծակած է լինում եղբոր կուժը։ Լուսինը վերադառնում է մոր մոտ դատարկ կժով, նրանից հետո հասնում է արևը և ստանում մոր օրհնությունը³⁸։

Արևի և լուսնի մասին եղած տարբեր ժողովուրդների ավանդությունները շատ ընդհանուր գծեր ունեն։ Այդ ավանդություններից շատերում լուսինը նախապես մարդ է եղել, ապրել է երկրի վրա, և ապա իբրև նախահայր, կուլտուրական հերոս բարձրացել է երկինք, որտեղից շարունակել է տնօրինել մարդկային գործերը³⁹։ Հայկական ժողովրդական ավանդությունների և տիեզերական պատկերացումների մեջ աղոտ է դրսևորվում լուսնի դերը իբրև երբեմնի կուլտուրական հերոսի։ Այս առումով ուշագրավ է լուսնին նվիրված աղոթքը, որտեղ նորած լուսնին դիմում են իբրև պատանու.

Նոր, նոր, նորավոր,
Կանաչ, կարմիր թագավոր,
Մեր գացիր, տղա եկար,
Հեզր աշխարհեն ինչ խաբրիկ բերիր։

Աշխրբին՝ խեր ու խաղաղութեն,
Թագավորներուն՝ բարիշուքեն,
Մահին՝ թանկութեն,
Հացին՝ էժնութեն,
Իմ տղեկներուն՝ արևշատութեն
Իմ հոգուն՝ արքայութեն⁴⁰։

³⁶ Ա. Հարությունյան, Նշվ. աշխ., էջ 436։ Նաև՝ հեղինակի գրանցած նյութերից (Սիսիան, Լոր, 1977)։

³⁷ Ե. Ալալյան, Ջավախք, էջ 348։ Գ. Осинов. Նշվ. աշխ., էջ 134։

³⁸ Զ. Մուրադյան, Նշվ. աշխ., էջ 113։

³⁹ W. J. Olcott, Sun Lore of all ages, New-York, 1867, էջ 38։

⁴⁰ Բենսե, Նշվ. աշխ., էջ 32։

Հայերի՝ լուսնի հետ առնչվող վերը քննված բոլոր ավանդությունները, հավատալիքները և պատկերացումները վկայում են նրանց կենցաղում լուսնի ունեցած կարևոր դերը և մասնավորապես նրա պաշտամունքը: Դրանք միաժամանակ ցույց են առնում, որ XIX դ. վերջում և XX դ. սկզբում հայ ժողովրդի մեջ գոյություն չի ունեցել լուսնին նվիրված ցայտուն արտահայտվող կրոնապաշտամունքային ծիսակարգ:

ЛУНА В НАРОДНЫХ ВЕРОВАНИЯХ И ОБЫЧАЯХ АРМЯН

(КОНЕЦ XIX—НАЧАЛО XX ВВ.)

НВАРД ЕРНДЖАКЯН

Резюме

Быт армянского крестьянина во многом был приурочен к фазам луны. Интересно отметить, что несмотря на противоречивое временное упорядочение лунного месяца, в целом новолуние в народных верованиях армян считалось более благоприятным периодом, чем полнолуние. Народное восприятие благоприятности новолуния породило множество магических действий, направленных на приумножение богатства, укрепление здоровья и т. д. Часто магический эффект достигался с помощью словесной формулы и физического действия, выступающих в качестве взаимосвязанных актов обряда в целом.

Наиболее полно сохранился этнографический материал о народных поверьях, связанных с затмением луны, сопровождавшимся обрядовыми магическими действиями в целях «спасения» и светила.

Рассмотренные нами народные предания, поверья, обычаи свидетельствуют, в частности, о наличии культа луны. Однако они показывают, что в XIX—XX вв. не существовало ярко выраженной цельной культовой обрядности, посвященной луне.